



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCLXXXI. ad annum MCCCXIV.

**Parisiis, 1644**

V. De delegatis, vel legatis, vt faciant fidem suaे legationis.

**urn:nbn:de:hbz:466:1-15974**

lunt , & fieri est consuetum , in suffraganeis conse-  
crandis: nec etiam aliquis vel aliqui de episcopis  
suffraganeis sine licentia archiepiscopi exeat pro-  
uinciam Rauennatem pro aliquo consecrando, sal-  
ua sedis apostolicæ auctoritate & mandato. Quod  
si quis contra fecerit, poenam sacrorum Canonum  
incurrat ipso facto : & nihilo minus auctoritate  
præsentis Concilii prohibemus, ne ad ordinatio-  
nem seu consecrationem alicuius se immisceat, nec  
per confratres admittatur: vt sic, in eo in quo deli-  
quit puniatur, nisi per nos fuerit cum eodem, in  
quantum possumus, dispensatum. Et nihilo minus  
sic consecratus a pontificalibus sit in prouincia  
Rauenñate suspensus totaliter , donec per sedem  
apostolicam cum eo fuerit dispensatum.

## R V B R I C A IV.

Item exhortamur pro vnitate fidei , & honore  
sanctæ Romanæ ecclesiæ , & affectuose rogamus ,  
ac attentius requirimus omnes & singulos exem-  
ptos, intra Rauennatem prouinciam constitutos ,  
vt nullos episcopos peregrinos vel ignotos , & po-  
pulum subditum citra mare non habentes , inui-  
tent seu admittant ad ordinationes tenendas , seu  
alia pontificalia exercenda in ipsorum ecclesiis ,  
monasteriis, vel locis. Quod si contra fecerint, vo-  
lumus eos priuilegiis, beneficiis & fauoribus præ-  
sentis Concilii , & omnium aliorum Conciliorum  
Rauennatis prouinciæ, ipso facto esse priuatos.

## R V B R I C A V.

Cum ex processibus aliquorum , qui se afferue-  
runt

ANNO CHRISTI  
1314. runt a sede apostolica legatos, vel delegatos, vel  
alios nuntios, quocumque nomine censeantur, in  
prouincia Rauennate, & maxime in Romaniola,  
plurima scandala hactenus sint exorta, statuimus  
auctoritate presentis Concilii, quod nullius de ce-  
tero, qui se dicat legatum, delegatum, vel apostoli-  
cæ sedis nuntium, in prouincia Rauennate, & maxi-  
me in Romaniola, vel aliqua ciuitate, eiusdem stet-  
tur processibus, nisi prius fecerit indubitatam &  
plenam de iurisdictione fidem quam asserit se ha-  
bere, coram nobis, vel coram ordinario, in cuius  
ciuitate, vel dioecesi dictam iurisdictionem voluerit  
exercere. Et quod quilibet ordinarius possit no-  
mine & vice huius Concilii dictæ delegationis co-  
piam requirere, petere, & recipere: quam si talis fa-  
cere recusauerit, seu neglexerit, in nullo ei pareatur,  
nec stetur eius processibus, nec eidem obediatur,  
imo reputetur iurisdictionem aliquam non habe-  
re. Hoc tamen non intelligimus ad legatos ex late-  
re vlo modo, vel ad delegatos, ad certas & specia-  
les causas, vel ad prouisores, seu exequutores bene-  
ficiorum datos, extendi: cum tunc parti facere fi-  
dem sufficiat.

#### R V B R I C A VI.

Cum episcopalis dignitas præ ceteris sit sublli-  
mior, & aliæ nullam comparationem recipient ad  
eamdem, & in hoc sæculo nil excellentius sacerdo-  
tibus, & nil sublimius episcopis valeat reperiri, cum  
in eis & per eos Christus per omnia habeat præsen-  
tari, idcirco pro diuina deuotione, & reuerentia, ac  
honorificentia dignitatis, & ordinis episcopalis, &

Concil. Tom. 28.

K k k k